



Q. 100 - 100

900 - 100

21359


(10)

Numerus Epistolar. familiar. licet.
Quattuor atq; decem, bisq; in super Squadrages,
Quinq; decemq; libris seruat Epistolia.

M. TVLLII CICERONIS
EPISTOLAE FAMILIARES.

PAVLI MANVTII SCHOLIA,
*quibus harum epistolarum complures locos, ab
alijs propter obscuritatem aut omissos, aut
minus recte explanatos, partim in-
terpretatur, partim corrigit.*

Index additus,
aucta scholia, orthographia veterem
ad consuetudinem restituta.



Corrigente Paulo Manutio, Aldi F.

VENETIIS, M. D. LVI.

P A V L V S M A N V T I V S
A L D I F I L I V S , M A T T H A E O
S E N A R E G A E , A M B R O S I I
F I L I O , G E N V E N S I ,
S . D .

T V O'NE, Matthæ Senarega, an
meo dicam felici contigisse fato, ut,
relicto Louaniensi celeberrimo gymna-
sio, quò, tanquam ad mercatum bo-
narum artium, uirtutis & eloquen-
tiæ comparandæ causa concesseras, Venetias te hoc po-
tissimum nomine contuleris, quòd nostri, ut ipse dice-
re solitus es, uidendi & cognoscendi mira quædam te
cupiditas incenderet? tu quidem, si tuum sensum
explorem, uis me hoc tribuere fortunæ tuæ. nam quòd
ita euenerit, non modo ut ad amicitiam & consuetudi-
nem meam, uerum etiam ut ad conuictum & contu-
bernum meum tibi aditus patuerit; in eo, quasi tibi
quiddam expetendum contigerit, plurimum ipse tibi
solitus es gratulari. de quo, non est meum statuere,
uere ne sentias, an secus. at illud meum est, paucis
ostendere, cur tu contra mihi carissimus ac iucundissi-
mus sis, & quòd nunc in meis ædibus mecum habites,
mecumq; uiuas, in eo ego quoque meæ felicitatis ali-
quid agnoscam. nam si tu ita de me sentis honorifice,
quòd iudicio mouearis: æquum est mihi à te concedi,
ut ego de te non minus uere, quàm tu de me, iudica-
re possim. sin istam tibi de me opinionem peperit huma-